

PEMBERITAHUAN PERTANYAAN LISAN DEWAN RAKYAT

PERTANYAAN : BERTULIS

DARIPADA : YB DATO' ABDULLAH SANI BIN ABDUL HAMID (KAPAR)

SOALAN NO. 22

Minta **MENTERI SUMBER MANUSIA** menyatakan langkah yang wajib diambil kepada majikan seperti Megasteel, Perwaja yang masih gagal membayar pampasan kepada bekas pekerja yang diberhentikan.

JAWAPAN

Tuan Yang di-Pertua,

1. Syarikat Megasteel Sdn Bhd adalah sebuah syarikat yang menjalankan operasi pembuatan bahan keluli bagi sektor tempatan dan antarabangsa. Seramai 531 orang pekerja telah diberhentikan oleh Syarikat Megasteel Sdn Bhd bermula 1 September 2016 yang melibatkan pelbagai kategori pekerjaan. Seramai 300 orang pekerja-pekerja telah menfaillkan tindakan tuntutan di bawah seksyen 69 Akta Kerja 1955, dengan jumlah tuntutan adalah sebanyak RM6,660,324.57.

2. Walaubagaimanapun syarikat Megasteel Sdn Bhd telah mengambil Perintah Halangan Perintah Halangan (*Restraining Order*) dari Mahkamah Tinggi sehingga 23 Julai 2018 dan pihak syarikat juga telah membuat permohonan lanjutan bagi Perintah Halangan tersebut. Sebutan permohonan tersebut di Mahkamah Tinggi pada 28 Mac 2019 ini nanti. Oleh yang demikian, tiada apa-apa kes buruh

SOALAN NO : 22

atau kes tuntuan boleh difaiklan atau diteruskan dalam tempoh Perintah Halangan berkuatkuasa.

Untuk makluman Dewan yang mulia,

3. Pekerja-pekerja perlu melantik peguam untuk mewakili mereka bagi mengambil tindakan prosiding yang wajar di Mahkamah Tinggi bagi permohonan pengecualian Perintah Halangan seperti mana yang diperuntukan di bawah subseksyen 176, Akta Syarikat 1965 (Akta 125).
4. Manakala status bagi isu Perwaja Steel Sdn Bhd pula, tuntutan telah difaiklan di Mahkamah Perusahaan, Kuala Lumpur yang melibatkan 895 orang pekerja. Pekerja-pekerja ini diwakili oleh Kongres Kesatuan Sekerja Malaysia (*Malaysian Trade Union Congress, MTUC*). Perbicaraan secara berperingkat mengikut aturan nombor kes bermula pada 14 Januari 2019 yang lalu. Pendengaran kes dibuat di Kemanan, Terengganu kerana kes ini melibatkan 893 saksi yang bermastautin di sana. Pendengaran kes ini dapat dijalankan apabila proses memfailkan Borang B, *statement of case* dan *statement of reply* telah disempurnakan.